


Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r Kolegija Skupštine Kantona Sarajevo

Uputiti: Vladi Kantona Sarajevo, Ministarstvu saobraćaja Kantona Sarajevo, Uredu za borbu protiv korupcije i upravljanje kvalitetom Kantona Sarajevo, Kantonalnoj upravi za inspeksijske poslove Kantona Sarajevo

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Vladi Kantona Sarajevo i Ministarstvu saobraćaja Kantona Sarajevo, Uredu za borbu protiv korupcije i upravljanje kvalitetom Kantona Sarajevo, te Kantonalnoj upravi za inspeksijske poslove Kantona Sarajevo, imajući u vidu izuzetno ozbiljne okolnosti nastale nakon teške saobraćajne nesreće koja se dogodila dana 12.02.2026. godine na području Sarajeva, u kojoj je jedan naš sugrađanin izgubio život, jedna sugrađanka zadobila teške tjelesne povrede opasne po život, dok je više lica povrijeđeno, uz pričinjenu značajnu materijalnu štetu.

Ovaj događaj je izazvao veliku uznemirenost javnosti i dodatno pojačao osjećaj nesigurnosti građana kada je riječ o funkcionisanju i sigurnosti tramvajskog saobraćaja.

S obzirom na navedeno, smatram da postoji potreba potpunog uvida u sve ugovorne odnose koji se odnose na funkcionisanje, sigurnost i održavanje tramvajskog sistema u Kantonu Sarajevo.

Tražim da se **HITNO i bez odlaganja preispita i ukine eventualna oznaka tajnosti**, te da se zastupnicima u Skupštini Kantona Sarajevo omogući potpuni uvid u sljedeće ugovore i prateću dokumentaciju:

- ugovore koji se odnose na nabavku tramvaja,
- ugovore o rekonstrukciji i modernizaciji tramvajske pruge,
- ugovore o rekonstrukciji i održavanju elektroenergetske mreže tramvajskog sistema,
- ugovore o održavanju i servisiranju tramvajskih vozila,
- ugovore koji se odnose na reparaciju i sigurnosne sisteme, uključujući kočione sisteme,
- ugovore o najmu i drugim komercijalnim aranžmanima vezanim za korištenje tramvajskih vozila za potrebe reklama.

Dodatno, tražim da se **HITNO i bez odlaganja dostave svi zaostali izvještaji o radu i poslovanju KJKP GRAS za period od 2020. godine zaključno sa 2025. godinom**, kako bi Skupština Kantona Sarajevo kao osnivač mogla izvršiti svoju zakonsku funkciju nadzora nad radom preduzeća.

Obrazloženje

Radi se o infrastrukturi koja se finansira sredstvima građana Kantona Sarajevo i koja svakodnevno utiče na sigurnost hiljada ljudi. Ovakvi ugovori, po svojoj prirodi, ne predstavljaju vojnu niti sigurnosno-obavještajnu tajnu, niti se odnose na pitanja odbrane države.

Zbog toga se postavlja pitanje opravdanosti bilo kakvog ograničavanja pristupa informacijama, posebno imajući u vidu da zastupnici, u skladu sa zakonima o pristupu informacijama i principima parlamentarnog nadzora, imaju pravo i obavezu da vrše kontrolu trošenja javnih sredstava i sigurnosti javnih sistema.

Transparentnost u ovom slučaju nije političko pitanje – to je pitanje povjerenja građana i odgovornosti institucija.

Molim da se po ovoj inicijativi postupi u najkraćem mogućem roku.

S poštovanjem,

Sebija Izetbegović

zastupnica u Skupštini Kantona Sarajevo

